

天水縣志卷之十三

藝文一詩歌 著書目錄

過秦州

于右仁

隴南流水向南流照見征人過隴頭消却行人無限恨衆花香裏過秦州

送王生新令畢業歸天水

張 謩

王生天水之少年十七南學贏糧兩月道路經六千比於王伯與跋遠而志堅五載不歸去
朱丹肆磨研獨愛文學探陳編攀窺漢魏唐宋諸儒賢吐棄世俗里兒語侏儻呖味尤弗專
不知所造淺深與高下英氣超絕塵垢纏歲時休暇竊娛樂從人更受絲桐得岀視所蓄命
操縵欲其正直如朱絃爲語文法及書法略指塗徑猶蹄筌生家故有秦渭出有父有母皆

天水縣志

卷之十三

一

蘭州國民印刷局排印

華顛學成合藉授經養思歸動引義以宣河洛甲兵秦隴烽烟行不由陝其必由川川中四
將兵滿前憂非五盤嶺棧三峽船聞生戒路心凜然天下蜩螗羹沸煎讀書奉親命苟全奚
世不諧母違天生爲奏一曲我爲歌一篇炯炯風義江雲騫行矣毋慕何蕃歐陽詹

王生新令求書歸奉其父父年政七十母五十有八生最少者也寫一詩予之

張 謩

王翁七十姆五八經義晚婚森四男伯氏服農儒季子天西弱歲客江南學勤好古諸生冠
歸有餘師二曲參游笈到家娛白髮壽觴充溢酒泉甘

隴南道中

許承堯

隴南山比隴東好爲有人工寸寸鋤萬陌千畦黃碧紫似床似几似甃

入隴山如雲錦張麥苗滴翠短楓黃山凹別有溫泉窟絕惜無人解作湯清水縣有溫泉
黑谷墩西路坦平蜿蜒山脊似蛇行故人飛轡親相迓眼底坡陀萬疊明

眼明今日見秦州南北高峯似櫓樓杜老昔年吟嘯地好乘佳日早尋求

遊南郭寺杜工部祠

許承堯

詩聲回空濛杜甫今未死解驂我卽來荒祠嗟半圯入門見怪柏矯若雙龍起同根相拗怒
挾屋岌將徙兒孫扶掖之挺挺各巖峙杜象尙儼然顧我似微喜流離天寶日顛沛走圻趾
勞者強自歌元氣孕衆詭窮愁一老翁能令山川美高秋萬物肅大地淨如紙長圖割城郭
重筆點蒼紫木末飛將閣雲脚隗囂壘我遊杜所遊髣髴追杖履遙遙遂千年駭愕何能已

李廣故里在天水縣城內

許承堯

天水縣志

卷之十三

一一

蘭州國民印刷局排印

射虎蕭森氣千秋不可呼數奇非汝獨猿臂嘆今無尙有山川在誰云井里誣西陲足人傑

我欲問屠沽

遊玉泉觀

許承堯

一紆復一折造此幽深地杜陵有草堂孤盦得秋意開窗俯萬井鑿壁匿隣寺枯松小盤崛
閱世若相棄雙峯懸淺澗邊氣寒老淚眼底細柳營哀笳咽荒翠十載厭旌旗撫杯只徐喟
坐看鞞帕迎奪槊娛殘醉誰歟起遐瞻萬象納抉眚

讀東坡戲子由詩書其後

許承堯

平生所慚今不恥痛絕斯言淚沾紙何事相煎乃至此人生豈止飢可死胡爲咨且浪自毀
我爲君歌隴頭水飲不成酣睡難美披衣旁皇中夜起我思魯國真男子

關子鎮嶺

許承堯

千坡挂殘雪一角漏初陽邈矣洪荒世先開耕稼鄉最憐罽鼠穴未解鑿羊腸莽莽羣龍脊
招携入混茫

贈天水汪劍平王新令

陳衍

詩人度隴今無幾誰似嘉州與少陵千載流風殊未沫請看天水兩峻嶒

留別馬上將翰如

張世英

百戰勳名萬里身册年欽仰老纔親伏波矍鑠同千古隴右安危繫一人空辱歡迎終負望

常分異味

公館山羊松花牛乳餅等物

共嘗新此行遠近勞兵馬贈物還教備累綳

普魯呢

留別東關送行諸好

張世英

天水縣志

卷之十三

三

蘭州國民印刷局排印

相好真堪擬弟兄忽焉不聽大河聲爲完餘事遲歸里敢辱諸公遠出城年已古稀期後會

勢如今世訂來生天心畢竟人難料許慰依依未盡情

贈吳子玉將軍八首

哈銳

萬劫鑿殘老病身十年魂夢望青塵補天筮肯來西北醉尉何人爾敢曠

韜鈴自昔有家風餘子紛紛一洗空敵國舟中名論在憑將隻手障川東

蜀山息影偃磨旌霧影從教髀肉生刊落稜威存本色依然萬里一長城

韋編在手定行藏四聖心傳未渺茫疆場折衝餘技耳于公太乙一毫芒

上策古今拼一走北胡南越忍包羞巖巖一柱擎天立到處人爭識故侯

少陵論將貴廉恥北斗以南更有誰贏得全球人格在愛錢惜命究何爲

金宋當年此戰爭君家璘玠最聲名祇今地網留遺跡話到劫灰淚暗傾
忍把神州袖手看如聞父老勸加餐何當一怒殲蛇豕巽鑠伏波再據鞍

題賈宇清巢雲二首

哈銳

觸石爲霖前度事只今歸臥意俱遲
蓬蓬一醒春婆夢應悔無心出岫時
安排月榭與風廊無限塵勞此取償
卻怪投閒閒不得一春花事費平章

甘谷喜晤任賡六部郎同年

哈銳

蕭然霜雪兩盈頭留向秦亭泣楚囚
除却靈巖無淨土任他滄海儘橫流
何因結隊紛狐鼠不死憑人呼馬牛
一別重逢三十載剎那身世一浮漚

冠蓋京華尋舊夢歸來百里隔風煙
滄桑幻化人間世耳目聰強地上仙
舉案齊眉同壽考

天水縣志

卷之十三

四

蘭州國民印刷局排印

扶筇導我陟層巔文章法律俱翳狗
惟有靈光獨巋然

題贈穆衡伯世講兼送東歸

哈銳

萬劫靈殘甘棄置充耳當前無限事
藥鑪茗鼎送暇日疏簾清簾脫美睡
楚然空谷來足音

云客遠自青門至客家遙指析木津
卅年前事吾能記

前清戊戌己亥之間與竹從文香圃先生締交曾寄宿其家

竹林佳話今

視昔步兵高躅誰其嗣書生投筆事戎軒
八表澄清爲幟志棹頭伏劍西人關百二
河山供攬轡秦隴唇齒本一家駢駢慣迓皇華使
珠槃玉敦指臂聯丸泥東封誰敢覬君今况當壯
盛年浩蕩天衢騁驥驥幽燕自古富豪俠豈真借才嫌異地
我今支離視蔭人邂逅何修覲國器贈君數語壯君行
妍媸切莫校文字

九日和周子揚二首

哈銳

點綴高秋楓樹林澆愁莫厭酒杯深青山有約移文在白髮無情老境侵人海十年飛萬劫
仙區一刻抵千金詎云賡唱能爲彼久噤寒蟬偶一吟

幕府策勛逾十霜翩然西下敬維桑乾坤何處著吾輩風物而今非故鄉忍向鷄蟲爭得失
漫從龜笑叩行藏文章光焰終難闕劍氣延津夜吐芒

遊南郭寺兼送周子揚西上

城南尺五好林池紺宇琳宮結構奇搥碎踢翻緣底事只因崔灑有題詩

相期千古文章事勞燕分飛各惘然吟弄自今從茂叔論交祇合稱忘年

宇清聞有省垣之行率成四律以爲送行也可以爲留行亦可

任承允

天水縣志

卷之十三

五

蘭州國民印刷局排印

經歲弊軍府鄉閭賴護持又行千里道有口萬家碑靡鹽悲鴻澤沉疴付鵲醫魯連天下士

蹈海未嫌遲

矍鑠跨鞍馬馳驅六十翁一身肩衆望孤劍走長風冰接河橋壯途荒戰蹟雄終年心苦在

慷慨竟前功

不負平戎策西征暮臘寒年衰朋舊惜世亂別離難惆悵空三徑珍饒愧一餐東風蘇蟄早

歸日話平安

舊遊冠蓋地留滯或蘭皋花香曾過眼梓里望操刀談虎防疑市亡羊欲補牢可能綱領得

往返莫徒勞

自題桐自生齋

任承允

碧梧聞引鳳庭砌忽叢生未識挺特姿視如蕭艾輕鋤惡欲務盡博異留一莖一年高過屋
三年拱把盈不及二十年百尺迥孤清落子密房綴敷萼香筒榮濃陰蔽小院羣卉不崢嶸
腹圍逼簷瓦潛根徧地行柱礎失牢固階石損其平不見朝陽曦惟聞雀與鶯枯葉雜糞穢
狼藉澆花英客來踏苔徑森聳適然驚勸我縱斤斧誰忍毀其成留以名吾齋擁腫愜微情
徘徊日其下狂歌罄酒豐階空疎雨滴葉落秋風鳴地靈非無意增吾老氣橫

聞王舜臣滬上計

任承允

避兵客滬瀆亂萌日夜長干戈催白髮斯文日淪喪萬感發悲聲忽藉一人放十載滯音書
去年惠幾行老懷能灑落新詩猶健壯誰料無疾終崎鯨江海上憶昔鯉庭趨操觚雄吾黨
屢屢同公車墮馬蹶驍將中歲宰奉賢政利民無謗羈隱向繁市孤心在天壤遠憐張種老

天水縣志

卷之十三

六

蘭州國民印刷局排印

謂有生梯望屬人爲買婢願以百金餉永念金蘭契一旦玉棺葬死生忽契闊南雲阻重嶂
絕望歲寒約何緣復抵掌世事正紛紛天地大無量斗酒共隻鷄封墓待一訪猶知夜臺下
憫我寂寥狀

弔任慶六比部劉曉嵐太史

任承允

連月悲君攜手去孤雲賸我一身存廿年飽看滄桑劫三徑難招香草魂乾淨清風埋骨土
蒼茫暮雨望中原易先乾象明潛躍後死憑誰與共論

伏羌謁王心如先生

任承允

憶去秦州歸十年違警欵天留八旬翁又得瞻風采形骸雖已衰精神未云艾腹笥藏百家
目先炯千載古書堆滿床自曙至日晦著作久等身編輯補疎碎自云老多忘濫觴不可悔

無聊磨歲月平生志所快隴上一經師英年名海內循良異召儔博極焉鄭配先子與心交
學術相沆漑疑難商古今道義託肺腑倉卒庚子亂高堂忽見背表彰須鴻儒不朽大筆賴
愧無南豐書私衷空感佩敢云遠百里區區惟一拜華筵盛饌在臥榻坐酬對時先生兩股舉
痿不能一榻
酒不敢酣敬聆懸河態隨意發經腴微言施教誨進德惟紹先立身在自愛始知真學人庸
言無藻繪父執今晨星依依結誠愛緬昔髫髻初京輦待前輩手寫二字經啓蒙開荒穢罷
官客邳山初返關中旆我時治舉業論文常逐隊門牆四十年學識苦暗昧鹿鳴宴周甲先
明歲重
宴鹿鳴馬帳多時廢前修更有誰後會恐難再朱函山崔嵬斯文終茲在

贈田楓淑

任承允

碧霄下一鶴翩翩自出羣夙心知好武髫歲便能文宦跡期青史時楓淑已客
岑中承幕府遊蹤阻白雲約

天水縣志

卷之十三

七

蘭州國民印書局排印

大像山
不果識途慚老馬聖道無歧紛時楓淑辱詞
涉世之方

望羅家堡

任承允

生小習聞羅家堡殺賊人人力如虎斗大寨子當凶鋒戰血干雲血漂槽今來近世五里間
恨不親履問部伍同治初元花門起關隴數千里如洗所向州郡無完城千村萬落生荆杞
此堡聚族數百家豐官高樓兩地與堡
均近賊穴相觸牴九攻九距天地昏女子登埤男對壘賊歸擊
尾出擊頭萬千狼狽甘披靡奇事翻遺盜費糧二年曾未遺一矢當時將相數百營誰真中
流爲柱砥農夫制挺有何術萬全端在不惜死君不見滄海橫流汎黃壚一堡何足問有無
東南門戶誰筦鑰憑血健兒今存乎嗚呼憑血健兒今存乎天子喚去守皇都

哭伯貞七十韻

任承允

舅姓郭氏諱鳳鳴字瑞岐北鄉石佛鎮人年十三入州學二十二得咸豐戊子科鄉薦再試春官不第以家貧母老就知縣分省山西不得志以同知改官四川在川二十餘年署定遠縣者一載署石碇廳者一載署撻箭廳者半載得轡釐者數次晚年借補通判缺未奉部檄而歿自幼天才贍發下筆千言先君嘗目爲天才著作甚富詩文稿聞積至一箱其生平行實承允竟不能詳悲夫二子長而才者死小者尙幼旅殯草草行述訃啓之文均無有也姑記概略於此俟他日得其著述之全庶可而詳焉

我生不識母惟存舅氏親隴頭鴻雪渺舅遠宦多年鄉里後之士至有舉其姓字而不能知者劍外雁書與遠宦二千里離鄉四十春丁年長在蜀末歲暫歸秦四十年中僅半客解甘肅一歸省堂白首馮唐老清風羊續湮補官終借缺畫餅竟亡身髻脫邽峯下蜚騰泮水濱詞場輕燕雀華采瑞麒麟早慧驚劉宴羣言誦關關

天水縣志

卷之十三

八

蘭州國民印刷局印

扶搖高得路慈菴渺無垠守道嚴君介論交伯舅醇同門融氣誼舅與先君時同遊於前七州並舉虞先生之門聯榜重

昏姻舅與先君爲鄉榜同年嗣先君來歸西挈公車侶俱欽鄉里神杜韓模範出經史派流真時望闕荒徑儒風

開絕畛先事鄉土書局於時參不其詳雜以自舅與先君及吳蜀江先生出後學乃知詩古文門徑於其語書眼目開擴科名亦蒸蒸鬱矣杏園春獨宴同治乙丑先君成進士舅不第花縣

遠迎賓舅得舉後以貢故每遠出遊慕忽見高柴宰自傷原憲貧烏私將母老鼻化謫仙人侍養先京輦丙寅冬先君乃

安輿後帝闕次年月亦借兩弟奉先外祖母來京以知縣赴引方期尋戚友大樂敘天倫病母長眠久母於未

村姑接乳新母歿時允備二歲餘以老病尙不能離乳乃備村媪乳之憑棺羈旅慟撫葬外家仁

汾晉初聽鼓雲霄欲縱鱗終南輪捷巧河北歎沉淪終抱有才屈遂成無病呻弟兄三婦故

醜體廿年陳光緒己丑允下第四歸分府階還徙并州俗亦曠不辭燒椽險又問錦江津大省爭

趨鶩葦材更積薪奔汲營菽水飢饉在風塵毛色愁無喜陶腰折不伸棧華凋痛切萱草萎

酸辛同治十一年外祖世仲舅相繼歿於川中鹽井釐差屢邊廳吏績循雪冤清滯獄舅石柱卸任後奉委清理涪州積案折閱散餘緝見定遠任

內餘俸較豐寄之某典鋪適其倒敝失損過半勢屑錢神藉援無朝貴因歌陔追春戀憤俗節嶙嶙驥足閑胡展鳴翔性

孰馴半騷函老友鑽刺謝同寅杜史奚囊滿顏書妙筆臻別工書專學顏甘安今世拙喜與古人鄰

芸案男如玉蘭閨女似珍慰情忘寂寞遂隊且逡巡多載音容隔見自丁卯部中一別再未面也思甥屬託諄

年年咨學業念念企陶甄鴛鴦驅蒙策鯉趨訓勉遵科名承父構姓字玷王綸容鏡開丹陛

薇花傍紫宸泥金傳到眼壺玉醉開脣見得九捷報後在川中慶賀酬客者數日宅相無窮意德基每切詢封倫常

自愧無忘似難純翠輦巡邊日麻衣涉海晨遲歸悲舍梓濃陰失靈椿已負孤雲望應傷舊

雨神此半期面覲修道日眉嘖漢上旋看桂巴山訊探榛遙瞻同岷岵近跡阻梁岷王高承允就館前充

去川近矣思往省親卒以人事牽率不果所抑以真體素健終省相見之期耳總說形骸健兼聞寢食均揚烏文早秀段兔典能申氣待

天水縣志

卷之十三

九

蘭州國民印刷局排印

南峨秀才當北闕論老懷愉爽春令氣振振始娶生慈歿居巢繼妣孀見晚年始氏天教瓊歿續娶正室

樹落人並玉棺混石生表弟甚聰穎讀書已有成矣以讎死自爾乘衰運誰能問大鈞壯心銷鹿夢空橐悵鱸純子

夏明曾喪虞翻骨太屯蓉城愁築館奎曜暗移辰有女扶釐幼何時卜窆時長女已嫁狄道李鑑亭孤孀賴以

存活而扶柩歸葬則尚無期也葉凋義里樹車想渭陽輪祖墓悲枯草羈魂起夜燐羊雲今望絕南回一沾巾

先妣郭太恭人忌日
任承允

人生世界間無母天所殄豈惟矢劬煦實則萬事蹇在昔二齡初先子官京輦母時事衰姑

病軀千里勉怯為勞所乘疴深竟無淺乳下棄呱呱終天慈孝翦時賴妣仁撫恤盡聖善

遂得脫襁褓嶄然識墳典九齡侍安輿家門慶初衍一勸令伯幼陳情不及撰從茲罪辜深

跼蹐窮俯俛忽忽四十年虛名無實踐求祿國步傾靈椿胡風卷匍匐江海寒足跟泝隴跼

薄宦終負親嗚呼民遂鮮在原餓鶴鵠舌耕遊漢沔瘴癘臥一秋腹疾到今纏三載席父業
皋比違夙願出處無根著遠懷鬱不展譬彼無母雛畢生羽翼軟履霜冬獵獵積雪明遙燼
忌辰歲除迫香燭薦不腆小人不識母緬懷眼空泣更詠涓陽詩永隔蒿里餞時伯舅種種
髮欲稀搖搖齒將齟明發心肝摧委蛇面目覩身世嗟並非顏唐親何顯常恐忝所生貽人
笑豚犬

玉泉八詠

任承允

玉泉之有八景由來舊矣先賢代有詠歌今或在或亡不可盡考比年重施土木沐浴
丹雘踵廢增新遊人改觀而余于講席餘閒亦得隨二三在事者觀塗鑿於泉聲嵐翠
之間工既竣既爲之書其始末於石是又不可無韻言以佐州人士登嘯之勝至於八

天水縣志

卷之十三

十

蘭州國民印刷局排印

景舊名皆輾成四言亦從來紀名勝者之常習標題均易而從質蓋亦兩不相妨云爾

崖柏舊田縣崖古柏

倚郭參差起衆巒密排老柏如欄杆天風吹吹翠不落古雲浩浩龍自蟠半壁懸根霜幹聳

高崖無石上花寒虬枝莫怪矜奇絕犖確培塿難例看山之有柏不奇也懸崖之有柏亦不奇也然則何奇乎柏以山固土山崖亦十崖也蓋松柏性

守石大下轉時名山莫不以爲尋常物惟土山則不能多選即有之皆直幹者求其盤根於半壁天矯詰曲而上者罕
奉獻株霜皮黛色始於何代故老均無傳聞惟見其根懸露而不墜也氣雄厚而不長也豈天特置之以點綴靈宮歟

是官爲八
景之冠云

絕頂枯槐

游子摩挲古徑旁禿翁枯立閱滄桑空心更見羣峯矮奇骨終宜勝地僵尙記何年看葉落

已應無分見花忙時已廢科場登高一望川原豁樵斧翻憐野樹蒼

通仙橋即仙路飛橋

冷然一徑覆清溪檻翼橋平古殿齊下擁松篁叢鳥雀斜凌斷壑走虹蜺天門橋之上層新榜之曰天門金

碧連新構名筆雄奇賞舊題橋上多名筆匾額雅奇可賞自是世人遊覽處通仙河計意終迷

玉泉觀以泉得名舊題曰靈泉山檻檻久廢今新覆以亭

一滋泉水出凹峯松檜當亭翳萬峯上接靈宮泣山鬼泉上為倉頡宮中有雲氣隨飛龍杜句仙人瀑玉

眼曾洗元梁真人以泉水為人洗目疾極效因此得錢遂為創修之始清意在山塵不容時取春茶丹竈煑長吟每覺道心濃

神仙洞舊題曰巖洞真修為盧梁兩真人修道處

幽洞陰陰壓古泉攀援石山步青天誰高李杜儒家子洞南為李杜祠且結盧梁世外緣凶歲頻頻

須辟穀胡塵黯黯欲求仙艱難尙自羈塵網每挹清風一愴然

天水縣志

卷之十三

十一

蘭州國民印刷局排印

選勝亭舊題曰山亭選勝亭四面軒廊可以坐臥俯瞰全城東西川原可一覽在望春秋佳日遊人皆聚於此

南山對面翠如屏蠟屐繁喧是此亭四繞柏香濃古翠萬重嵐氣結空青山光百里明詩眼遊興千人醉醲醲最喜孤城連咫尺好風時捲市聲聽

道院舊題曰道流靜室院前有軒舊號草堂虛名也此次重修加以丹碧易以軒廳對杜工部戴笠圖於其中遂成靈輿遊讌之地非復向之靜宇矣

白茅屋子松陰環每共道人棲碧山斜傍幽岩一鐘靜前有草堂重門關時傾茗椀話能久不種桃花春亦閒勝概昔無今結構清遊也詔塵凡刪

大雅堂堂在李杜祠舊題曰大雅祠堂

老杜詩名惟李配玉泉南畔古祠存淒然天寶幽翁淚獨接國風千載魂正好題詩盈素壁何妨弄斧到班門年年九日登高處黃菊初開酒正溫舊祀李杜以九日

寄別安曉峯侍御

任承允

與曉峯別五年矣今年秋會笠雲山人葬因得盤桓累日歸後將有京師之遊寄此告

別笠雲山人王心如
先生之別號也

朱園之嶺高崔巍下有耆儒天所材書城忽圯泰山頽弔者醫至秋風哀先君至交深肺腑

寄園蒙訓泣風雨

山人同治間赴引
京師訓允以蒙經

舉比撤座鄰有宇喜得故人聯榻語

山人家館曉峯
與余於其鄰舍

故人相隔

百里間一別覲面四五年未談世事先淒然滄桑變幻迷塵煙憶昨射策登南宮鄉人幾輩

杯酒濃君在諫垣聲赫隆上書吐氣如長虹六齋搖首三山鬆妖鯨騰沸滄桑東巧者便文

拙者忠牽裾折檻鱗櫻龍同朝聞之色盡變自是聖明容直諫黃沙萬里走輕傳邊樓空教

築鐵漢三載歸隴隴東村我亦憂居耕石門旁窺九流深談元

曉峯如講
佛數之學

赤手尙欲搏乾坤屈

天水縣志

卷之十三

十三

蘭州國民印刷局排印

原吟澤楚不振陸贄遭貶奉天幸披心瀝血猶誰肯蘭臺走馬空鼎鼎舊事何堪一回首天

門山下重把酒獨歸南湖望衰柳邵平種瓜今健否中原日見萬事裂賈誼憂國空嘯血方

期清秋共高節自愧窮冬發車轍世情嶮巖人詭密勸君杜門勿輕出千古逐臣名無失慎

重他年青史筆嗚呼達不能爲衛霍英三邊掃蕩胡虜清窮當爲王先生名山著作等身平

自來文士收盛名諫林列奏尤足榮

宋趙概集古今
諫諍事爲諫林

西歸用少陵北征韻

任承允

辛亥後一年秋九月之吉任子仍西歸車馬行盡室夙無稷契志敢溷揖讓日風雲各有時

門尋故園筆世宦依京華國闕未忍出徘徊經歲留寸心如有失事會固云云元運疑勿勿

北辰安所居衆星拱曾切英雄造時勢天醉乘芒芻得奇未曾有罄竹詞難舉昔聞白蓮社

新會刑于瑟祕密飲狂藥慷慨流熱血結客少年場萬古華風滅大陸起龍蛇狐兔營穴窟
何期九年雨洪水忽淖瀟跳踏地軸翻戲侮天網裂快犢奔不羈破車無前轍黠鼠甘口餽
癡魚餌鈎悅一聲自由鐘戰民同樹栗前途渺茫茫盲進黑如漆俗眼炫春華物情饜秋實
偉人展經綸下士守愚拙客子首長路霜高曉星沒煤烟汽笛鳴雷電驅天末洪河駕輿梁
崖洞穿幽穴腥風撲面來道多戰壘骨去秋出關洛兵氣隨倉猝今過長安東碧燐紛鬼物
攬轡隴坂頭冰霰皓鬚髮鄉音近井里仕同欵然結亂流精渭間一湍助鳴咽林濕黑橡雨
山盛黃獨雪沈淪從此始青鞋絡布襪先人遺敝廬安榻能容膝吾道有屈伸純鋼不患折
壯心殊未已耕讀託巾褐萬方同一概百感何從泄不敢問塵事偶思尙凜慄三徑翦荒蕪
松菊稍成列吾父滿架書卷帙比如櫛是皆古今傳陳腐歸塗抹杜門日鬱悒局促無空闊

天水縣志

卷之十三

十三

國朝國民日報館印

微充西山餓瓜解東陵渴愧少孟軻辯楊墨任叱喝夜吟寒蟬悲午睡春鶯語我生逢艱虞
身世焉足說割據出羣才海內殷甲卒力聞國界排量旋天字豁五族一包羅滿藏蒙回紇
主翁塾耕鑿備僕起橫突孟德姦雄材得氣無儔匹諸侯肉食多推袁策誰決霧隱豹窺人
攫生鷹眼疾操縱君民間手段神氣奪深淵蠚珠盜挽瀾鯨牙拔歷史覬覦端半因孤寡發
自言漢忠臣征西表基碣心術醜奇劫權巧迴天殺睡餘倭海潮眉樣歐洲月羣陰剝陽盡
貞下元豈絕主家富牛羊牧兒思蕩析君何論桀堯后何論媼姐醜詆往昔愚奴頌頌聖哲
志士盡童騷篋鼓意氣烈剷除一姓例未必天下活稗乘尤福頰影射在閨闈禮樂用三代
文治燦燁闕季世厭海氛仁民政罔缺復其見天心公議伸賢達

哀天水

馬乾德

客自天水來道及天水事謂我尙融融梓鄉被災異今歲逢庚戌四月剛廿四水雲莽天黑
白雨挾風至其大如毬拋小亦如星墜麥騰千萬頃有根皆無穗合郡哭聲高婦孺色憔悴
仁聽祥羊歌豐成那可冀我聞驚而起愀然涕以淚吁嗟吾秦邦民生何不遂連年遭旱虐
有田半赤地貧者多飢仆富亦空儲積今春雨暢時庶有雙歧瑞滿擬穀登場田租樂鼓吹
天乎何催殘一雨折嘉穗况復司牧者饕餮窮鬼魅到處貪泉深脂膏如甘餌誰肯一援手
勞心勤撫字哀哉飛鴻鳴安宅何處寄我自游高平彈指一年易鄉訊傳遞難惻惻馳遠志
今夕聞斯語腸煎心如熾仰視秦雲暗邊風若芒刺挑燈拈不律詩成夢魂悸權作流民圖
持獻監門吏

登五泉崇文閣

梁雋冕

天水縣志

卷之十三

十四

蘭州國民印刷局排印

眼花耳熱氣橫秋芒角出腸大白浮雲夢胸吞直八九詩魔喝倒五泉流
四面明樓蜃氣懸雄關瞰盡夕陽邊蘭山作礪黃河帶倒控雁灘十八川
燭燭六星斗戴筐蘭屏張幔住文昌洞賓已削師生例願對潼君一揖長
料得山靈避我來電流古本邱巒摧此間疑有鄒環洞要把石扇一喝開
龍泉飛瀑逐喧喧壓倒挹天瓢薦酒杯怪底山風狂似虎爲吹我輩上蓬萊
玉泉觀裏憶前游壁上煙雲灑不休如此山靈應得句東風吹夢落秦州
嚼蠟休嫌詩太陳蛟蚪鬱律鶴精神只緣挾得伊涼調對壁應來起舞人
諸公袞袞競風流圖畫青紅四壁收詩湧如濤題不遍此樓幾碎老拳頭

過梅花嶺題史閣部墳

梁雋冕

淮陽星斗繞孤墳一片江山月二分袍笏有靈人有淚梅花深處始逢君

秦州八景詩錄二首

劉蔭萱

伏羲卦台

我所懷兮在羲皇畫卦台留渭水旁側身北望久徬徨洪荒甫闢一畫開此間文教實胚胎
分心石畔秋聲急龍馬何年再出來

諸葛軍壘

我所懷兮在武侯此地空餘軍壘留側身東望路悠悠天奪漢祚人難扶蕭蕭故址鎖荻蘆
祁山屢出師未捷後主何年還都都

東泉書院

蘇 蓋

天水縣志

卷之十三

十五

蘭州國民印刷局排印

大雅誰能繼余懷胡慕東此時正秋雨復社想流風疏草千秋在書香百代宗至今祠宇裏

題句葉飛紅

鄭州黃河鐵橋詩

周希武

廣武原頭崩岸高黃河始出山之平百折秦晉盤轂轉一瀉兗徐入天寥此地何人用鬼斧
十里鐵軌橫驚濤我家河水最上游長虹結構雄蘭皋一別河梁四千里又踏天下第一橋
手持杯酒酌河伯幾閱劉項與袁曹世間英雄皆豎子都輸班爾濟川勞

成紀十二景歌錄四首

李天煦

陶堤春曉

春晚野趣鮮南湖寺外飛將墳前千條楊柳四面雲山朝暉夕陰無限好景歸一覽陶公已

去勝跡永留傳

南山古柏

南郭久著名如來刹古李杜祠新一庭塔影萬古泉聲寒往暑來閱盡許多滄桑運詩人何在勝有老樹存

淨土松檜

淨土信匪遙鷲嶺鵝峙亂峯圍繞千樹虬松萬壑雲濤憑高傾聽半空渾如龍吟嘯人間天上終古隔塵囂

東柯草堂

東柯好崖谷大唐工部於此結廬茅屋數椽清風萬古竹樹莓苔遺址於今尚髣髴况有溪

天水縣志

卷之十三

十六

蘭州國民印刷局排印

山依舊入畫圖

讀史感事

胡文煒

擊鼓漁陽匝地回紅羊劫火已成灰可憐開國籌安策徒作他年黨禍媒桐邑未歸太甲政漢家重見美新才英雄無數埋黃土青史千秋有賸哀

雲龍事業仗羣豪勸進文章聲價高萬姓歡情迎絳幘六軍駐馬擁黃袍但求檢點作天子不使蕭王仍我曹富貴讓人切勿預好持杯酒飲醇醪

十萬橫磨誓殺仇一時壯志誰爲儔樊侯尙有丈夫氣季布能無國士羞請纓欲繫南越頸得劍先斬佞臣頭山河寸寸黃金鑄珍重籌邊好築樓

獻納兩字太模糊索地誼傳劉六符天子諱言北事辱臣工爭繪東封圖三呼祇覺羣峯小

一擲何嫌博注孤如此江山如此局看來全不費工夫

本縣先儒著書目錄

大易貫解口卷

春秋貫解口卷

十三經管見口卷

王尙鑿著

歸山文牘二卷

邠涓偶存一卷

癸丑記別一卷

張世英著

望雲山房雜抄一卷

哈銳著

秦州志續編八卷

桐自生齋詩文集八卷

任承允著

千家四時詩選

當代名人雜抄

槐山詩文集

律例講義

楊潤身著

玉樹調查記十卷

甯海記行一卷

周希武著

天水縣志

卷之十三

十七

蘭州國民印刷局排印

愛日堂日記

梔子亭雜抄

蘇蓋著

鄉土教材一卷

李天煦著

愛吾廬詩文集

蕭汝玉著

金石

追遠寺碑

碑在北鄉追遠寺天和元年五月立石附錄碑文

天和元年五月二十五日遷州前長史別駕柱國蔡國府參軍權彥弟隴右府參軍景暉等稽首和南蓋聞法輪停轉因茲偽頌慧目潛暉由斯像法是福填世界鑄寶為容波斯國士雕檀成像若迺生因構造住相俎遷霜露之悲百身莫贖風樹之感萬恨無追以朱明謝節

白露星辰敬爲亡弟景略造石浮圖軀工穿世上鏤極金丹雕飭真容衆相炳麗庶以茲萬
幸願亡弟捨身愛身同超有泡習果報俱入無生願七世祖宗沐浴彌陀之迴水向功德之
林不爲劫難所遷不爲塵緣所染願母德全圭璋行爲儀表如操舟堅持如大地又願內外
宗親永離三途長辭八難

趙佺墓誌銘

此誌於民國二十四年修汽車路時掘出係天和六年正月九日刻石距今一千三百
七十年現存香山寺附錄碑文

公本姓趙諱佺字元昌天水上邽人也源其濫觴顛頊聿興叔帶簡子游天賜二笥而兼翟
無卹登山得寶符而取代先零黠虜旣衄銳於充國京兆豪民亦移風於廣漢 位高吮

天水縣志

卷之十三

十六

南州國民印刷局排印

癡恩重懷奇秀異隔代聯華十世祖融漢司徒校尉祖資育秦州別駕卒贈豫州刺史父琨
冲廣州長刺順陽郡守君秉清和之氣資純懿之德年猶執紼便已巖然雖孔文學幼而穎
悟江思立少而博洽公之夙成可爲聯類年十四魏陳郡王臨蕃辟爲主簿昔黃瓊之居江
夏賈誼之在洛陽度德均年彼有慚色于時太祖霸業將塞地已參分臣皆十亂羣士慕嚮
異能並出相府旣開召公參軍事俄署總曹頗如謝晦參宋高之府有同賈詡從魏武之軍
仍除輔國將軍中散大夫都督馬恬宗戚之貴穉康絕俗之高擬倫二子時難其選大統之
中王師東掃太祖親御六軍留公總留府十八曹事凱入榮勳命爲尉遲氏昔張孟從軍婁
敬委輅賜姓命氏必有殊功尋除頻陽縣令王剪謝病之鄉秦皇陳過之所地卽三輔民雜
五陵俗號難治人民多驍悍公揚清折濁濟寬持猛權豪屏氣氓庶鼓腹旣製美錦且泛鳴

絃及皇室勃興冢宰作相乃召公爲中外府集曹加前將軍左銀青光祿大夫蕭望之之儒
雅劉更生之術學儔今望古未爲多謝太宗踐祚入爲御正上士出入三載遷司徒大夫時
值大將軍邵國公出鎮蒲州妙簡英雋除公大都督蒲州治中總府司馬河東郡守董戎任
切驥足務繁主武望隆股肱寄重自非忠公幹略無以尅膺茲選前後稱職帝心簡在乃授
公使持節車騎大將軍儀同三司同桓沖之戎號兼鄧鷺之儀比傳呼甚盛宗黨榮之尋除
小司成俄遷載師中大夫共治之美未易其人乃出爲秦郡守求馬問羊猶遵前榮帶牛佩
犢自改舊風教化大行威懷兼著而與善無徵不救所疾以天和六年正月九日春秋廿八
卒于位贈驃騎大將軍開府儀同三司大都督鳳州諸軍事鳳州刺史諡曰敬以其時十月
廿八日窆上邽里之山禮也惟公資孝爲忠稟禮成敬服膺儒術則負笈從師志隆堂構則

天水縣志

卷之十三

十九

州國民印刷局排印

彈冠入仕御下以寬與人以信約身以儉處物以公方當贊此隆平參茲多士而降年弗永
遽從怛化悲陵谷之遷貿懼遺芳之不傳陳詞無愧乃爲銘曰

隋珠和玉趙璧夏璜豈如顯允邦國之光頻參大府而紐戎章儀均論道任卽惟良寒松比
秀秋菊爭芳波瀾不測牆似誰量厚地高天相去幾千幽幽深夜寂寂窮泉死而可作吾當
與旋

樂延碑

碑高六尺四寸寬三尺八寸厚一尺一寸現豎東學署

伏生碑

碑存東學署

石幢

前嶺乾德三年立石現在南郭寺

呂瑞墓誌銘

碑在北鄉豐盛川坪頭碧山神廟附錄碑文

大隋車騎大將軍左金紫光祿都督左八軍屬民復襄如二縣令襄州鹿門縣開國男呂公之墓誌公諱瑞字連生秦州天水人也周太師呂望之胃裔庶因官食采於秦隴樹德依仁世踵名教刑強鄉本郡功曹考龍本州西曹惟公承積善之基履賢能之德夙著風神早茂鋒穎大統十三年任柱國河內公府水曹參軍既美襟期方申體國後魏二年轉柱國綏德公府兵曹以申弼諧之寄周元年轉廿四軍判事實仗惟良之舉二年從晉國公討維揚以

天水縣志

卷之十三

三

隴州刺史申麟身掛印

先登力戰授車騎將軍左金紫光祿都督封襄州鹿門縣開國男邑三百戶便聞井野之恩遂重河山之賦天和二年授左八軍府屬方祿寵靈日致旌賞建德二年任信州民復縣令布政以仁字氓惟道開皇元年任隆州襄如縣令東澤滂通仁聲載洽曾口輔仁行悲口化春秋七十有二奄見薨殞以開皇八年歲次戊申十一月丙寅朔七日壬申遂葬於伯陽縣界蘭渠鄉三陽里遺塵易永泉穴方幽匪寄鐫題孰傳無朽敢陳德行乃為銘曰
口嶽其昌祈啓於姜三齊建國四復寶王得榮得姓度隴為鄉篤生夫子玉振金相登官受口蒞事含章惟德之美何年不長峴峯委玉桂碗墮芳百年無幾千秋未央
重修官屯嶺東岱嶽行祠碑

碑在南鄉雲霧山大元至大元年歲次戊申馮永壽立石秦州儒學教授黎飛雄校正

成紀縣儒學教諭黎夢與撰文太醫院經歷劉道洪書丹秦州譯事裴國用篆額

梁真人題碑詩

碑高四尺寬二尺四寸厚一尺嵌玉泉觀神仙洞北壁中詩係煙霞無爲真人梁志通於至元丙子年作附錄

大道蘧盧樂自遊風光彷彿像瀛洲菴前草木長春景檻外雲山不夜秋鬼泣魘罡三尺劍神藏天地一虛舟由來拋卻紅塵事勘破浮生只點頭

大元贈懷遠大將軍河東陝西等路萬戶府副萬戶輕騎都尉追贈譙國郡侯曹公墓碑銘
承德郎鞏昌等處都總帥府經歷李成篆額同州儒學教授李浩撰秦州後進口公嘉
口口書丹碑在南郭寺旁墓地附錄碑文

天水縣志

卷之十三

二十一

蘭州國民印刷局排印

人有立開國之功天必錫享爵之應開國之功施之於口口口服蠻貊皆遵其化享爵之應榮之於一家子孫宗族俱昭其名是以流風善政雖歿口口有存者也公諱安德字燕其先河澗人天資奇偉秉性殊特人以大器目之至元十二年襲父職佩虎符宣授忠顯校尉砲水手都元帥十五年改授昭信校尉攻口定遠永安諸城歷口教授十七年陞武略將軍二十四年以軍功拜宣武將軍河東陝西等路萬戶府副萬戶佩虎符分鎮順元莒州士庶逸安二十口年以疾終于莒朝廷推功加贈譙國郡侯惟公勇以制其敵恩以撫其衆威以鎮其邊忠以守其職凡興師禦寇以死節臨難口苟免也於戲能如公者幾何人哉肇我皇元應天啓運神武當興公之始祖諱義通六禮七兵有良將之風乃奮其烈慨然有澄清中原之志遂赴京以砲藝見稱卽奉命行口取山東定河北破回鶻克甯夏口虜貪戎草伏廬處

皆化爲家不威而臣者一十七國厥功茂焉賜答刺罕仍令軍中呼爲曹大父以別其口士卒帥吏皆以爺爺稱之佩虎符金牌各一宣授砲水手都元帥克鳳翔臨洮等一十余郡乙未衛輔皇子口端復收階會隴鞏昌石門山郡遂附之龍直內申攻巴蜀至天安山寨用飛砲破之朝天劔南望風披靡抵綿州口口口口一夕口口人以其神成都諸邑翕然歸款師旅驚訝咸伏其速皇子賜以幣帛良馬不以數爲惜時公憂勞務衆年老病篤有功未及其錄而終有子曰和尙襲父職佩三品篆印統新口砲手七百餘戶洎總帥汪公緒利擴魚關通河浴疏口陵克取州屬未隸郡邑至於重慶釣於山寨皆和尙公之績口公口寬裕喜於聞善軍政備舉折節下士衆咸感戴年七十餘終於口子男有二長曰安仁混都海叛立功宣授砲水手軍匠元帥曾孫曰祥勳授進口校尉砲水手管軍千戶次日安德卽譙國郡

天水縣志

卷之十三

二十二

蘭州國民印刷局排印

侯也次日安信宣授進義朝尉鞏昌等處砲水手軍匠奧魯言有男友善襲父職而蚤卒曰友聞友慶安德公二子也二十九年西域滿子阿釐拒境不庭友慶奉命領軍至口思口口雀口口阿釐力戰建功天子賜以文綺二端口口口口大德二年襲父職拜武德將軍河東陝西等處萬戶府副萬戶佩虎符口口口口年秋七月雲南七夷虵截等口橫弄兵選友慶從西省平章野速答兒參政汪公抵烏撒等處口口口口土口口口王誅九月忙部口口口口永蓬屯兵五千餘衆遏青狗口友慶謂平口口口口小口口多歷艱險當作先鋒僉口口口口舊威口敵渠魁口口殄滅族類焚蕩聚落衆口而還口口兵宮嘉之口勇以幣帛良馬口口焉季冬至敵箕灣永蓬雪可復擁兵三千口口設口友慶叱曰蕞爾凶醜口敢屢犯天口乃口口獨戰全捕斬首一十五級兵甲有獲參政公諭於衆曰若曹友慶者誠可尙口口當相效之迺賞銀

三十兩七年口駐兵父口口土寇阿塔領兵千餘迎敵友慶躍馬揮戈鼓口口進飛砲注矢
重甲相貫一戰而賊衆悉摧平章公稱口果敢口人口口是時口襲口口等友慶引兵追至
口月兒寨金鼓一鳴殄口口口生挾蛇截置於磨下械送京師遂使八番等處斂手輯靈還
及木休關復遇夷魁雄坐刺永寧路官常章甫蛇殺蒙口千口木口口兵官以友慶領兵追
擒不獲乃毅弓橐甲撫衆曰方春之際軍馬疲弱轉口口乏無如息兵養士聽命討賊未爲
晚矣平章公允其請冬十月雄坐出降拜友慶宣武將軍賞賚甚厚至大二年施州美容洞
口麥色什侵口寨官剽掠居民川省擬友慶領兵口入賊巢麥色什口險不能控制友慶出
已資金幣十端口二十定傾誘歸款從容諭以口口威德麥色什感泣待罪管口口口上
憫其悔罪授麥色什黃沙口口口成口口口口口口口仁者之人乎向無憂口口民之

天水縣志

卷之十三

二十三

蘭州國民印刷局排印

心焉有宏謀遠略之效至於口已之口口威德兵不口口士不口口致使頑嚚咸悔伏責非
仁人愛人之深孰能預於此哉公之委人口効不可口是口來承平日久萬國咸口惜其口
口口口廊廟功足庇于子孫口里周急口口口口之譽焉壽全六旬有一終於正寢子男
有四長曰晉臣掌虎符領砲翼不墮先人之風性沉靜寡交游不爲流俗所遷口口六年赴
京承襲請諭命告口口口焉子男有三長曰禎佩虎符宣授武德將軍鞏昌等處砲水手萬
戶府萬戶溫恭克己口口賢稱至正乙未自河南征討而還追念祖宗之口之口口恐陵遷
谷變湮沒無聞故口口口于南郭寺先考之塋抑曹氏自高曾而下簪纓繼世清白傳家未
聞有纖毫口玷者萬戶曹禎而又能紹繼先志增光祖業可謂口口口口口親者矣敢系
其口口

曹氏之先種德□□忠輔國天誕英賢出類拔萃神武敷宣運謀制敵其功茂焉公之處世剛正口似公之殂矣遺風宛然耿耿忠烈孰與□□褒有加命秩口遷山鍾英石是磨是鐫惟子惟孫忠孝乃全秦山岌岌夕水涓涓既彰厥績千載流傳

………涪灘仲夏既望………武德將軍鞏昌等處砲水手萬戶府萬戶曹禎等立

石董工曹祐曹禕

重修太陽山新洞寺觀音聖湫碑上有藏文

碑在南鄉太陽山宣德四年蒲榮春朱英朱彥輝等立石郡學生李敦書

湧泉寺碑

碑在南鄉湧泉寺成化十六年十一月賈覺信僧如學李節立石蔡道雲書

天水縣志

卷之十三

二十四

蘭州國民印刷局排印

重刻杜甫秦州雜詩碑

碑在明倫堂之東偏高七尺橫三尺有五厚一尺許碑面刻杜工部秦州雜詩二十首

碑陰刻秦州八景及名勝諸雜詠係明成化十九年癸卯知秦州事恆山傅鼎重刻

秦州畫卦台重建伏羲廟碑

碑在北鄉卦台山廟內大明嘉靖十年歲次辛卯立石

西城上古鐘

鐘造於萬曆三十八年閏三月二十八日周圍一丈餘高五尺許上鐫人文宣朗皇圖

鞏固萬壽無疆物阜民康等字在縣西關西城

建修萬佛新菴碑

碑原建於縣大城內王氏佛菴移豎瑞蓮寺前院高四尺五寸寬二尺六寸厚一尺五寸龍飛三十九年辛亥立石太常少卿前禮部都給事中天水幕東胡忻撰記

利橋大雄山碑

碑在東鄉利橋嘉慶二十二年歲次丁丑秋月立石

卷之十三終

天水縣志

卷之十三

二十五

蘭州國民印刷局排印